
ФАРҶОНА ШАҲРИДАГИ МЕХАНИКА ЗАВОДИНИНГ ЁТОҚҲОНАСИ ТЎЛА ТАЪМИРЛАНАДИ

Вилоят ҳокими Хайрулло Бозоров, Фарғона шаҳридаги Нодирабегим МФЙ Навоий кўчасида жойлашган Механика заводининг ётоқхонасида яшовчиларнинг турмуш шароити билан танишди.

1967 йилда қурилган бу бино, 20 йилдан бери умуман таъмирланмаган. Бу ерда яшовчи 46 та оилада 120 нафар фуқаро қийин ижтимоий шароитларда яшаб келмоқда. Механика заводининг солиқ бўйича миллиардлаб қарзлари бирикиб қолгани учун, бу ерда яшовчиларга хонадонлар бўйича қонуний яшаш ҳуқуқи белгилаб бериш имконияти ҳам бўлмаган. Бино тоmidан сув ўтади, электр, иситиш, сув таъминотида муаммолар мавжуд.

Вилоят ҳокими ётоқхонада яшовчилар билан бирма бир суҳбатлашиб, уларнинг мурожаатларини тинглади. Бинони вилоят ҳокимлиги балансига ўтказиш ҳамда уни капитал таъмирлаш бўйича ишларни бошлаш бўйича кўрсатма берилди. Бино таъмирдан чиқарилгач, ижтимоий ижара тамойилида яшовчиларга тақдим этилади.

Яшаш шароитини яхшилаш бўйича вилоят раҳбарига мурожаат қилган фуқароларга бу йил шаҳарда 334 та арзон кўп қаватли турар-жой барпо этилишини, субсидия тўланадиган муҳтож оилаларни ижтимоий мезонлар асосида танлаш ва субсидия тўлаш жараёнларини автоматлаштирилиши маълум қилинди.

Бизни ижтимоий тармоқларда кузатинг [Facebook](#),
2021-03-05 11:34:33